



REPUBLIKA E SHQIPËRISË
KONTROLLI I LARTË I SHTETIT
SEKRETARI I PËRGJITHSHËM

Nr. 130 / Prot.
17

Tiranë, më 30.05.2022

Drejtuar : MINISTRISË SË FINANCAVE DHE EKONOMISË
DREJTORIA E PËRGJITHSHME E BUXHETIT
DREJTORIA E MENAXHIMIT TË BUXHETIT

TIRANË

Lënda: Raporti i Monitorimit të Buxhetit për periudhën Janar-Prill të vitit 2022.

Në mbështetje të Ligjit nr.115/2021, datë 25.11.2021 “Për buxhetin e vitit 2022”, akteve normative të vitit 2022, në vijim të udhëzimit të Ministrit të Financave dhe Ekonomisë nr. 9, datë 20.03.2018, “Procedurat standarde të zbatimit të buxhetit” i ndryshuar , udhëzimit plotësues nr.1, datë 10.01.2022 “Për zbatimin e buxhetit të vitit 2022”, Udhëzimit nr. 22, datë 17.11.2016 “Për procedurat standarde të monitorimit të buxhetit në NJQQ”, lutemi gjeni bashkëlidhur Raportin e Monitorimit të Buxhetit të 4-mujorit të parë të vitit 2022 të Kontrollit të Lartë të Shtetit.

Raporti i monitorimit të katër mujorit Janar–Prill 2022 krahas analizës së shpenzimeve buxhetore në nivel programi përmban dhe një analizë të objektivave institucionale referuar performancës buxhetore të orientuar drejt rezultateve.

Duke Ju falënderuar për bashkëpunimin,

SEKRETARI PËRGJITHSHËM

Valbona GAXHA



PËRMBAJTJA

	Faqe
Hyrje	2
Raport i monitorimit të buxhetit të KLSH-së për Janar-Prill 2022	2-3
Analiza e realizimit të buxhetit të KLSH-së për vitin 2022	4-6
Analiza e objektivave institucionale të KLSH-së, referuar buxhetit të orientuar në rezultate.	6-8
Mbi realizimin e objektivave të menaxhimit institucional	8-11
Aneksi Nr. 1 Raporti i Shpenzimeve sipas Programeve.	12
Aneksi Nr. 2 Raporti i shpenzimeve të Programit sipas artikujve buxhetorë.	13
Aneksi Nr. 3 Raporti përmbledhës i realizimit të treguesve të performancës /produkteve të programit.	14
Aneksi Nr. 4 Raporti i realizimit të objektivave të politikës së programit.	15
Aneksi Nr. 5 Projektet e investimeve me financim të brendshëm dhe të huaj.	16

HYRJE

KLSH ka kryer monitorimin e buxhetit të periudhës Janar-Prill 2022, nëpërmjet vlerësimit të performancës së fondeve buxhetore dhe krahasimit të treguesve faktikë të performancës me ato të planifikuar. Nëpërmjet këtij raporti monitorimi evidentohet niveli i realizimit të fondeve buxhetore të KLSH-së të detajuar në nivel kategori shpenzimi buxhetor kundrejt treguesve të planifikuar duke mundësuar në këtë mënyrë riorientimin dhe sigurimin e një informacioni shtesë për të përmirësuar procesin e planifikimit dhe të menaxhimit të buxhetit. Në vijimësi dhe strukturat respektive të KLSH-së kanë kryer monitorimin e treguesve buxhetore me qëllim ndjekjen në vijimësi të objektivave të synuar dhe të përcaktuar në Deklaratën e politikës së programit të KLSH-së të përfshirë në Strategjinë e Zhvillimit Institucional 2018-2022.

Në mbështetje të Ligjit nr.115/202, datë 25.11.2021 “Për buxhetin e vitit 2022”, Aktit Normativ, nr. 3, datë 12.03.2022 “Për disa ndryshime në Ligjin 115/2021 “ Për buxhetin e vitit 2021”, dhe në vijim të udhëzimit të Ministrit të Financave dhe Ekonomisë nr. 9, datë 20.07.2018, “Procedurat standarde të zbatimit të buxhetit” i ndryshuar, udhëzimit plotësues të Ministrit të Financave dhe Ekonomisë nr.1, datë 10.01.2022 “Për zbatimin e buxhetit të vitit 2022”, Udhëzimit nr. 22, datë 17.11.2016 “Për procedurat standarde të monitorimit të buxhetit në NJQQ”, për periudhën Janar-Prill 2022, performanca e realizimit të buxhetit, paraqitet si më poshtë:

PROGRAMI 01120 “VEPRIMTARI AUDITUESE E KLSH-së”

Buxheti i akorduar për programin “Veprimtari audituese e KLSH-së”, ka në bazë të tij Deklaratën e Politikës të hartuar gjatë procesit të PBA 2022-2024 dhe është në funksion të kësaj Deklarate.

Politika buxhetore e KLSH-së është fokusuar në përmbushjen me cilësi të lartë dhe në kohë të detyrimeve ligjore, të objektivave, si dhe prioriteteve të institucionit të parashikuar në Planin e Zhvillimit Strategjik 2018-2022, duke konsideruar kërkesat e organizmave ndërkombëtarë të auditimit dhe të BE-së të përcaktuara në MSA-në e Shqipëri-BE dhe të monitoruara në kuadrin e Integritimit Evropian.

Përgjatë vitit 2022 KLSH vijon me ushtrimin e veprimtarisë institucionale në përmbushje të objektivave prioritare strategjike të zhvillimit institucional, që konsistojnë në:

- 1.Rritja e impaktit të punës audituese me fokus në 6E-të.
- 2.Optimizimi i kapaciteteve profesionale, aftësive audituese, procedurave të punës, logjistikës dhe funksioneve të tjera mbështetëse.
- 3.Përmirësimi i kanaleve të komunikimit dhe bashkëpunimit.

Për sa i përket kërkesave buxhetore, duke vlerësuar dhe gjendjen aktuale financiare, menaxhimi i buxhetit është fokusuar në financimin e shpenzimeve në funksion të përmbushjes së objektivave prioritare strategjike që KLSH ka programuar në harkun kohor 2022-2024 në planin strategjik institucional në drejtimet e mëposhtme:

-Fokusi në rritje drejt auditimit të performances, duke synuar rritjen e numrit dhe të cilësisë të auditimeve të performancës, në funksion të arritjes së parametrave të SAI-ve homologe, shtimin e kapaciteteve njerëzore dhe infrastrukturore për këtë lloj auditimi, asistimin në formulimin e parametrave të performancës në sektorë të administratës publike etj.

-Kryerja e auditimit financiar në përputhje me standardet ndërkombëtare të auditimit (certifikimi i pasqyrave financiare) dhe shtimi i numrit të auditimeve financiare.

- Konsolidimi i Auditimit të Përputhshmërisë vlerësuar sipas kërkesave ISSAI-ve.
- Thellimi në auditimin e teknologjisë së informacionit shtimi i numrit të auditimeve IT dhe konsolidimi i cilësisë nëpërmjet zbatimit të Standarteve Ndërkombëtare ISSAI.
- Rritjen e performancës së veprimtarisë audituese përmes forcimit të kapaciteteve institucionale të KLSH.
- Përmirësimin e metodologjive/manualeve të auditimit, duke zhvilluar dhe metodologji të veçanta, si ajo e auditimit të mashtimit financiar, integritetit dhe etikës.
- Nxitja dhe promovimi i vlerave të larta profesionale të audituesve nëpërmjet zhvillimit të trajnimeve dhe optimizimit të kapaciteteve profesionale.
- Zbatimi i standardeve profesionale nëpërmjet zhvillimit të metodologjive dhe standardeve profesionale të aplikueshme në përputhje me praktikën më të mira të komunitetit të INTOSAI-t.
- Zhvillimin e infrastrukturës së teknologjisë së informacionit.
- Zhvillimin dhe kualifikimin e burimeve njerëzore konform implementimit të Dokumentit të Politikës së Burimeve Njerëzore në KLSH miratuar me Vendim të Kryetarit nr 128 datë 31.12.2017.
- Rritjen dhe konsolidimin e cilësisë së botimeve me materiale që i shërbejnë procesit të auditimit etj.

“RAPORTI I SHPENZIMEVE FAKTIKE TË PROGRAMIT SIPAS ARTIKUJVE PËR PERIUDHËN JANAR-PRILL 2022”

Në zbatim të Ligjit nr. 115/2021, datë 25.11.2021 “Për buxhetin e vitit 2022”, dhe Aktit Normativ, nr. 3, datë 12.03.2022 “Për disa ndryshime në Ligjin 115/2021 “ Për buxhetin e vitit 2022”, është bërë miratimi i çeljes dhe rishikimit të fondeve buxhetore për vitin 2022, për institucionin e Kontrollit të Lartë të Shtetit.

Fondet e alokuara për funksionimin e aktivitetit të Kontrollit të Lartë të Shtetit, sipas zërave për vitin 2022, paraqiten si më poshtë:

Artikulli	Përshkrimi	Fakti 2021	Plan Fillestar 2022	Plan i Rishikuar 2022	Plani Progresiv Janar-Prill	Fakti Janar- Prill 2022	Në mijë lekë	
							Diferenc	%
600	Paga	247,281	319,000	311,025	104,000	93,660	-10,340	90%
601	Sigurime Shoqërore	40,073	42,000	40,950	16,000	15,100	-900	94%
602	Mallra dhe Shërbime të Tjera	51,593	103,810	93,429	31,850	19,658	-12,192	62%
605	Transferta Korente të Huaja	61	150	150	150	120	-30	80%
606	Trans per Buxh. Fam. & Individ	1,273	1,600	1,600	1,600		-1,600	0%
N/Totali	Shpenzime Korrente	340,281	466,560	447,154	153,600	128,538	-25,062	3
230	Kapitale të Patrupëzuara						0	
231	Kapitale të Trupëzuara	7,586	20,000	20,000	15,000	3,645	-11,355	24%
232	Transferta Kapitale						0	
N/Totali	Kapitale F/Brendshem	7,586	20,000	20,000	15,000	3,645	-11,355	0
230	Kapitale të Patrupëzuara						0	0
231	Kapitale të Trupëzuara	1,115	24,000	24,000			0	0
232	Transferta Kapitale						0	0
N/Totali	Shpenzime Kapitale F/ Huaj	1,115	24,000	24,000	0	0	0	0
Totali	Shpenzime Kapitale	8,701	44,000	44,000	15,000	3,645	-11,355	0
	TOTALI	348,982	510,560	491,154	168,600	132,183	-36,417	78%

ANALIZA E REALIZIMIT TË BUXHETIT TË KLSH-SË PËR PERIUDHËN JANAR-PRILL 2022

Bazuar ne Ligjit 1115/2021, datë 25.11.2021 “Për buxhetin e vitit 2022” KLSH për vitin 2022 u miratua fondi në total në vlerën 508,960 mijë lekë.

-Me Aktit Normativ, nr. 3, datë 12.03.2022 “Për disa ndryshime në Ligjin 115/2021 “ Për buxhetin e vitit 2022”, buxheti i KLSH-së, është pakësuar në vlerën për 19,406 mijë lekë dhe konkretisht në zërin “Paga dhe Sigurime” për vlerën 9,025 mijë lekë dhe në zërin “mallra dhe shërbime” në vlerën për 10,381 mijë lekë duke kaluar kështu në vlerën totale për 489,554 mijë lekë ndërkohë që numri i miratuar i punonjësve nuk ka ndryshuar, pra 233 punonjës të miratuar.

1- Pagat, Sigurimet Shoqërore dhe Shëndetësore. Llogaria 600-601.

Fondi i alokuar nga buxheti i shtetit për vitin 2022 në Ligjin nr.115/2021 “Për buxhetin e vitit 2022”, për zërin “Paga dhe Sigurime ” është në vlerën për 361,000 mijë lekë. Me Aktit Normativ, nr. 3, datë 12.03.2022 “Për disa ndryshime në Ligjin 115/2021 “ Për buxhetin e vitit 2022”, ky zë, është pakësuar në vlerën për 9,025 mijë lekë. Për periudhën progresive Janar-Prill buxheti i planifikuar në masën për 120,000 mijë lekë është realizuar në vlerën për 108,760 mijë lekë ose realizuar në masën 91%.

Shuma e shpenzuar në zërin Shpenzime Personeli, përfshin pagat e punonjësve të KLSH-së dhe të ekspertëve të jashtëm të përkohshëm të kontaktuar dhe paguar konform shkresave dhe kontratave të nënshkruara me ta.

2- Shpenzime për Mallra dhe Shërbime të Tjera. Llogaria 602.

Fondi i alokuar nga buxheti i shtetit për vitin 2022 në Ligjin nr.115/2021 “Për buxhetin e vitit 2022”, për zërin shpenzime operative, është në vlerën për 103,960 mijë lekë, ose 20 % e planit buxhetor të vitit 2022.

Për vitin 2022, fondi i shpenzimeve sipas Aktit Normativ, nr. nr. 3, datë 12.03.2022 “Për disa ndryshime në Ligjin 115/2021 “ Për buxhetin e vitit 2022”, është pakësuar në vlerën për 10,381 mijë lekë duke arritur kështu në vlerën për 93,429 mijë lekë.

Plani për periudhën Janar-Prill në vlerën për 31,850 mijë lekë është realizuar në vlerën për 19,658 mijë lekë. ose janë realizuar në masën 62%.

Me këtë zë shpenzimesh janë përballuar mbulimi i nevojave administrative të shpenzimeve si shpenzime për shërbimin e sigurisë, drita, ujë, telefon etj. Një pjesë të konsiderueshme në shpenzimet operative e zënë shpenzimet për udhëtim e dieta brenda vendit në vlerën për 13,530 mijë lekë dhe që përfaqësojnë 69% të shpenzimeve faktikë të këtij zëri.

Aktualisht, për vitin 2022, KLSH , ka realizuar disa procedura prokurimi në lidhje me:

-Rinovim suporti të licenca të Fireçall dhe E-Mail Security në vlerën për 1,631 mijë lekë. Platforma informatike që përdor Kontrolli I Lartë I Shtetit, është e ngritur bazuar në teknologjinë e virtualizimit. 3 server fizikë janë hostues të 12 makinave virtuale përmes të cilave kryhet menaxhimi i të gjithë shërbimeve teknologjike të nevojshme për plotësimin e kërkesave dhe nevojave nga ana informatike të institucionit. Këta servera mbrohen përmes pajisjes Fireçall e cila ka një licencë përkatëse suporti i të cilës ka afat kohor 1-vjeçar. Gjithashtu, në infrastrukturën informatike të KLSH, është implementuar një softëare për mbrojtjen e komunikimit elektronik (e-maile) e cila gjithashtu funksionon nën një licencë. Prokurimi i rinovimit të licencave të sipërpërmendura i ka shërbyer KLSH-së për funksionimin optimal të pajisjeve të teknologjisë së informacionit, rritjen e sigurisë së rrjetit si dhe lehtësimin e punës së përdoruesve të infrastrukturës teknologjike të KLSH-së.

-Blerje shërbim interneti për institucionin, mirëmbajtje ashensori, sistem alarmi, shërbim automjesh.

3- Transferta korrente dhe të huaja. Llogaria 605.

Për periudhën raportuese 2022, janë shlyer detyrimet për kuota anëtarësimi për organizatat INTOSAI dhe EUROSAI, në shumën 120 mijë lekë nga 150 mijë lekë të planifikuara.

4- Transferta për buxhetet familjare. Llogaria 606.

Gjatë periudhës ushtrimore 2022, është dhënë Fond i Veçantë nga Ministria e Financave dhe Ekonomisë në vlerën 1,600 mijë lekë, për daljen e punonjësve në pension, rast fatkeqësie dhe sëmundjeje vlerë e cila përgjatë kësaj periudhe nuk është shpenzuar.

5- Shpenzime për investime kapitale. Llogaria 230-231.

Bazuar në Ligjin nr. 115/2021, “Për buxhetin e vitit 2022”, plani i buxhetit me destinacion Investimet Kapitale është në shumën 44,000 mijë lekë, nga të cilat 20,000 mijë lekë investime me Financim të Brendshëm dhe 24,000 mijë lekë për investime kapitale me Financim të Huaj.

Kodi i projektit	Pershkrimi	Plani Vjetor	Realizimi Janar-Prill	Në mijë lekë
				Disponibel
M240002	Blerje automjete	9,700,000	0	9,700,000
M240009	Blerje paisje kompjuterike	3,000,000	39,654	2,960,346
M240003	Rikonstruksion Godina	1,600,000	1,073,218	526,782
M240010	Blerje paisje zyre	700,000	32,000	668,000
19AA402	Kosto Lokale	5,000,000	2,500,000	2,500,000
		20,000,000	3,644,872	16,355,128

-Për vitin 2022, KLSH ka prokuruar fondet në vlerën 9,700 mijë lekë për blerje makine, procedurë e cila është në përfundim të saj.

-Rikonstruksioni i ambienteve të brendshme të KLSH-së, projekt në vazhdim nga viti 2021 është realizuar në vlerën për 1,073 mijë lekë.

Rikonstruksioni i ambienteve të brendshme erdhi si domosdoshmëri pasi në vitin 2021, me kërkesë të KLSH-së, numri i audituesve u rrit në 218 punonjës dhe sipas Ligjit të buxhetit të vitit 2021, numri i punonjësve të miratuar është 233.

-Kosto lokale për periudhën janar-prill është realizuar në vlerën për 2,500 mijë lekë. Drejtoria e Fondit Kombëtar me shkresën nr. 4146, datë 01.03.2021 protokolluar në KLSH nr. 318, datë 03.03.2021, ka përcjellë kërkesën për transferimin e shumës prej 54,141.36 Euro në llogarinë e Fondit Kombëtar. Kjo shumë lidhet me fondet e financuara nga Bashkimi Evropian për projektin e binjakëzimit “*Forcimi i kapaciteteve të auditimit të jashtëm*”. Ky projekt është implementuar në KLSH në periudhën 16 mars 2016- 13 korrik 2018 dhe është financua nga Bashkimi Evropian në vlerën 2 milion euro dhe 100 mijë euro nga Buxheti i Shtetit. Pas përfundimit të implementimit të projektit nga Agjencia e Auditimit të Programeve të Asistencës së Akredituar nga BE është kryer auditimi edhe për këtë projekt duke lënë rekomandim për CFCU-së (Centrale Finance and Contracting Unit), strukturë e Ministrisë së Financave “*Kontrata e financiar vetëm nga kontributi i BE-së duhet të rillogaritet në përputhje me parimin e bashkëfinancimit të përbashkët dhe pjesa e lidhur me Kontributin Kombëtar në përputhje me marrëveshjen financiare do të rimbursohet nga buxheti kombëtar*”

B-Financim i Huaj

Bazuar në Ligjin nr. 115/2021, "Për buxhetin e vitit 2022", plani i buxhetit me destinacion Investimet Kapitale me Financim të Huaj në artikullin 231 është miratuar në vlerën **24,000 mijë lekë** dhe është parashikuar për zbatimin e projektit, "**Forcimi i rolit të Auditimit të Jashtëm në mbikëqyrjen e partneritetit publik-privat në Shqipëri**". Për vitin 2022, KLSH, ka hapur procedurën e prokurimit e cila është në proces. Projekti "Forcimi i kapaciteteve në auditimin e prokurimeve publike, koncesioneve dhe PPP-ve" është përgatitur nga KLSH qysh në vitin 2016, si pjesë e aplikimit për mbështetje nga INTOSAI - IDI Donor Cooperation.

Projekti u shpall fitues nga IDI, të cilët e referuan propozimin tek Banka Botërore nën Programin SAFE, por për shkak të numrit të lartë të aplikimeve KLSH-së iu sugjerua kontaktimi me zyrën e SECO (Sëiss State Secretariat for Economic Affairs).

Pas takimeve dypalëshe të realizuara kryesisht gjatë fund vitit 2019, u dakordësua për financimin e projektit në shumen totale prej 264'000 USD, prej të cilave 239'100 USD janë financim i SECO dhe 24'900 USD (10% e vlerës) financim nga buxheti i shtetit për KLSH-në. Projekti do të ketë një kohëzgjatje 2 vjeçare dhe marrëveshja për fillimin e tij u nënshkrua në ambientet e KLSH-së, në datën 9 mars 2020 nga Kryetari i KLSH-së, dhe nga Ambasadori i Konfederatës Zvicerane në Republikën e Shqipërisë.

Qëllimi kryesor i projektit është rritja e kontributit të KLSH-së për të forcuar llogaridhënien qeveritare në përdorimin e fondeve publike përmes auditimeve më profesionale dhe gjithëpërfshirëse të prokurimeve publike, koncesioneve dhe partneriteteve publike-private, duke përdorur mjete IT në kryerjen e auditimeve financiare, përputhshmërisë dhe performancës në përputhje me standardet ndërkombëtare të auditimit dhe praktikat e mira profesionale për sektorin publik.

Objektivi i përgjithshëm i projektit është të nxisë mbikëqyrjen publike dhe të rrisë cilësinë, transparencën dhe frenimin e korrupsionit në ofertat publike, koncesionet dhe partneritetet publike-private (PPP). Ky projekt do të bëjë të mundur krijimin e eksperiencave të reja dhe do të përsosë njohuritë dhe aftësitë e audituesve të KLSH-së për të mbikëqyrur fushën e koncesioneve dhe kontratave të partneritetit publik-privat duke sjellë dhe plotësimin e një kornize të përshtatshme për të siguruar që këto lloj kontratash ofrojnë vlerë të shtuar dhe minimizojnë risqet në kushtet e financimit publik. I gjithë ky proces nuk mund të bëhet pa garantuar që audituesit kanë aftësitë e duhura teknike lidhur me përdorimin e mjeteve të teknologjisë së informacionit në auditim.

Projekti do të mundësojë auditime më cilësore dhe do të japë rekomandime me vlerë të shtuar në mirëmenaxhimin e kontratave të PPP-ve, duke përmirësuar dhe kuadrin ligjor të realizimit të tenderave publike përkatës dhe të lidhjes dhe zbatimit të kontratave koncesionare. Ky projekt dy vjeçar do të ndihmojë dukshëm në drejtim të auditimit më profesional të fondeve publike në fushën e koncesioneve dhe PPP-ve në Shqipëri.

Bashkëpunimi mes KLSH-së dhe Sekretariatit të Shtetit për Çështjet Ekonomike (SECO) i Konfederatës zvicerane do të mbështesë ngritjen e kapaciteteve profesionale të audituesve të KLSH-së, por do të jetë njëkohësisht edhe promotori i mbështetjes së Konfederatës së Zvicrës për Republikën e Shqipërinë. Ky projekt do të prokurohet nga KLSH përgjatë vitit 2022.

ANALIZA E OBJEKTIVAVE INSTITUCIONALE TË KLSH-SË, REFERUAR BUXHETIT TË ORIENTUAR NË REZULTATE PËR PERIUDHEN E VITIT 2022

KLSH përgjatë vitit 2022 vijoi veprimtarinë menaxheriale institucionale suportuar nga një qeverisje e brendshme efektive dhe mirëfunksionimi të sistemeve të kontrollit të brendshëm

duke siguruar përputhshmërinë me standardet e kontrollit të brendshëm me qëllim sigurimin e një zhvillimi të qëndrueshëm dhe përmbushjen e objektivave Strategjike në nivelin e pritshmërive të synuara drejt konsolidimit të reformave të ndërmarra, në përputhje me standardet ndërkombëtare të auditimit, ISSAI, me rekomandimet e Progres Raporteve të BE, me detyrimet kushtetuese dhe me pritshmëritë e Kuvendit, publikut dhe të gjitha palëve të interesit.

I. MISIONI, VIZIONI DHE OBJEKTIVAT E KLSH-së

Kushtetuta e Republikës së Shqipërisë në katër nene të saj ka qartësisht të shprehur misionin dhe nivelin pavarësisë së Kontrollit të Lartë të Shtetit, të cilat formëzojnë identitetin institucional të tij. Ky mision dhe funksionimi institucional janë strukturuar dhe sanksionuar në detaje në Ligjin nr.154/2014 “Për Organizimin dhe Funksionimin e Kontrollit të Lartë të Shtetit”, mbi bazën e të cilave janë ndërtuar të gjitha aktet rregullative institucionale dhe metodologjike të institucionit.

Misioni i KLSH-së

KLSH është institucion i pavarur kushtetues, i ndërtuar që ti shërbejë qytetarit shqiptar, të jetë “agjent” i Kuvendit dhe palëve të interesit duke i informuar në mënyrë të vazhdueshme, të paanshme dhe të plotë, mbi përgjegjshmërinë që qeveria dhe entet publike tregojnë në përdorimin e kontributit të taksapaguesve shqiptarë e duke kontribuar në përmirësimin e qeverisjes nëpërmjet luftës kundër korrupsionit.

Në përmbushje të kërkesave ligjore, standardeve ndërkombëtare të auditimit dhe të institucioneve supreme të auditimit të INTOSAI-t dhe EUROSAT-t si dhe akteve rregullatore, KLSH kryen auditime financiare, të përputhshmërisë, të rregullshmërisë, të performancës, të teknologjisë së informacionit, si edhe ndërmerr vlerësime të sistemit të menaxhimit financiar e kontrollit dhe njësisë të auditimit të brendshëm të strukturave qeverisëse dhe enteve të tjera publike.

KLSH ka funksionuar do të vazhdojë të veprojë si një agjent ndryshimi, në shërbim të qytetarit dhe të qeverisjes së mirë, duke reflektuar vlerat dhe parimet e një SAI modern, anëtar i komunitetit të INTOSAI-t i udhëhequr nga motoja “*Të gjithë të bashkuar në ambicie dhe vendosmëri*”

Vizioni shkon përtej qasjes tradicionale të fokusuar në vlerësime dhe konstatime. Audituesit e jashtëm publikë e realizojnë aktivitetin e tyre jo vetëm duke vepruar por duke bashkëvepruar nëpërmjet rekomandimeve dhe këshillimeve të subjekteve publike të audituara për të maksimizuar vlerën e parasë publike.

Vizioni i KLSH-së

KLSH është një institucion model që udhëheq nëpërmjet shembullit, që nxit rritjen e përgjegjshmërisë, transparencës, dhe përdorimit me efektivitet, eficiencë dhe ekonomicitet të pasurisë publike, duke forcuar integritetin dhe besimin e publikut tek institucioni, për të qenë vlerë e shtuar për shoqërinë dhe të sjellë ndryshim në jetën e qytetarëve.

Misioni dhe vizioni orientojnë mënyrën sesi institucioni duhet të performojë për të: garantuar përgjegjshmërinë, transparencën dhe integritetin e qeverisë dhe njësisë të tjera të sektorit

publik; nxitur llogaridhënien para Parlamentit dhe rritur transparencën për qytetarët; duke qenë një organizatë model që udhëheq nëpërmjet shembullit.

Kontrolli i Lartë i Shtetit, përmbush misionin dhe realizon veprimtarinë në zbatim të tetë parimeve: Pavarësia; Profesionalizmi; Bashkëpunimi; Përgjegjshmëria; Bashkëpunimi; Përgjegjshmëria; Integriteti; Objektiviteti; Interesi Publik; Transparenca

Zhvillimi i KLSH mbështetet në Strategjinë Afatmesme të Zhvillimit të Institucionit të miratuar nga Kryetari KLSH, për periudhën 2018-2022.

Objektivat e KLSH-së

Objektiv i vazhdueshëm i *KLSH-së* është të jetë një faktor profesional aktiv dhe partnerë për fuqizimin e mirëqeverisjes financiare dhe llogaridhënies publike në funksion të promovimit të transparencës, eficiencës dhe efektivitetit. Në këtë kuadër thellimi i luftës kundër korrupsionit është në fokus të veprimtarisë institucionale. Edhe gjatë vitit 2022, objektivat institucionalë në të cilin fokuson aktivitetin KLSH-së, konsistojnë në:

Sfida për orientimin e auditimit bazuar në riskun e gabimeve, mashtrimit dhe korrupsionit është adresuar nëpërmjet zhvillimeve dhe përmirësimeve të metodologjisë, duke u përqendruar në auditimin e sektorëve të ekonomisë me ekspozim më të lartë ndaj këtyre risqeve.

Konsolidimi dhe rritja e numrit të auditimeve të performancës përmes zgjerimit të temave të fokusimit dhe të rritjes graduale të kapaciteteve profesionale dhe numerike të departamentit.

Zhvillimi dhe rritja e numrit të auditimeve financiare, dhënia e opinionit për pasqyrat financiare si një hap më tej drejt përmbushjes së objektivit për rritjen e numrit të auditimeve financiare.

Konsolidimi dhe modernizimi i qasjes për auditimet e përputhshmërisë në të njëjtën linjë me Standardet Ndërkombëtare të Auditimit ISSAI.

Rritja e cilësisë dhe e numrit të auditimeve IT, si dhe zhvillimi i kapaciteteve të auditimit IT.

Rritja e besueshmërisë tek institucioni suprem i auditimit, vlerësuar nga perceptimi i qytetarëve është një tregues se auditimet dhe raportimet janë kryer me integritet dhe profesionalizëm të lartë, etj.

MBI REALIZIMIN E OBJEKTIVAVE TË MENAXHIMIT INSTITUCIONAL.

Mbi realizimin e planit të auditimeve gjatë periudhës Janar-Prill 2022.

Kontrolli i Lartë i Shtetit, në cilësinë e institucionit më të lartë të auditimit të jashtëm publik, për periudhën Janar – Prill 2022 ka vijuar punën audituese për kryerjen e 100 misioneve të auditimit, nga të cilat duke u orientuar drejt përmbushjes së detyrimeve ligjore janë evaduar 17 misione auditimi, 53 misione auditimi janë në proces dhe 30 auditime janë në fazë evadimi përgjatë muajit maj.

17 misionet e auditimit të evaduara janë detajuar si më poshtë:

- 2 auditime përputhshmërie
- 10 auditime përputhshmërie dhe financiare
- 2 auditime performance
- 1 auditim financiare
- 1 auditim tematike
- 1 auditim IT

Puna audituese për vitin 2022 kanë pasur objektiv identifikimin e shkeljeve dhe raportimin e tyre në bazë të klasifikimit si dëm ekonomik¹ dhe si parregullsi/paligjshmëri me efekte negative në financat publike nga subjektet nën auditim².

Mbi trajnimet e realizuara gjatë periudhës Janar-Prill 2022.

Referuar Plan-Veprimit mbi zbatimin e “Programit të Zhvillimit të Integruar Profesional të Stafit të KLSH-së” për vitin 2022, miratuar me Vendimin e Kryetarit të KLSH-së nr.25 datë 04.02.2022, gjatë periudhës **Janar - Prill 2022**, janë zhvilluar ëbinair online pranë ASPA-s, në platformën Microsoft skype me stafin e KLSH-së dhe **Organizata/ Partnerë Ndërkombëtare** si më poshtë vijon:

Muaji Shkurt 2022:

-Trajnim mbi koncesionet dhe marrëveshjet e Partneritetit Publik-Privat (PPP), zhvilluar në datat 14—18 Shkurt. Trajnimi u fokusua tek Legjislacioni shqiptar në fushën e PPP-ve, njohja e bazës ligjore dhe akteve rregullative si dhe **tek ISSAI 5220**. Në këtë trajtim morën pjesë 109 auditues.

-Trajnim mbi Prokurimet Publike, zhvilluar në datat 22-23 (grupi I) dhe 24-25 (grupi II) Shkurt. Trajnimi zgjati dy ditë me dy grupe ndarë sipas departamenteve dhe u fokusua tek Risitë e ligjit të ri të Prokurimit Publik, nr. 162/2020 dhe VKM-së nr.285 datë 19.05.2021. lidhur me objektin, konceptet, procedurat, dokumentet e tenderit, rregullat kualifikuese dhe s’kualifikuese, lidhja e kontratës me OE, ndjekjen dhe zbatimin e kontratës, zgjidhjen e kësaj të fundit dhe hetimin administrativ. Në total trajnimi u ndoq nga 107 auditues.

Trajnimet mbi PPP-të dhe risitë e ligjit për Prokurimin Publik realizuar me stafin auditues të KLSH-së janë në përmbushje dhe të rekomandimeve për forcimin e kapaciteteve të audituesve të KLSH-së në auditimin e kontratave koncensionare dhe të njohjes së legjislacionit të prokurimit publik, referuar Plan Veprimit të miratuar nga Kryetari i Kontrollit të Lartë të Shtetit me nr. 1243, datë 12.11.2021, “Mbi zbatimin e rekomandimeve të Raportit të Komisionit European për Shqipërinë të datës 19.10.2021.

Muaji Mars 2022:

-Trajnim mbi Standardet e Auditimit dhe kornizën ligjore të KLSH-së, zhvilluar në datat 07-08-09 mars. Target grupi i këtij trajnimi ishin kategoria e parë e audituesve, të cilët duhet të realizojnë 25 ditë trajnimi në vit, konkretisht, audituesit e rinj me eksperiencë, deri në një vit dhe audituesit e sapo rekrutuar. Trajnimi zgjati tre ditë dhe u fokusua tek kuadri rregullator i KLSH-së, njohuri të përgjithshme mbi aktet më të rëndësishme të Kornizës INTOSAI-t dhe Rregullorja e Procedurave të Auditimit në KLSH. Trajnimi u realizua nga Drejtoria e Metodologjisë dhe Zhvillimit, Në total trajnimi u ndoq nga 13 punonjës.

-Trajnim me temë “Trajnim i Audituesve të Kontrollit të Lartë të Shtetit për të diagnostikuar dhe vlerësuar rrezikun e korrupsionit në fushën e prokurimit publik”. Në datat 28,29,30 Mars 2022 si pjesë e bashkëpunimit mes ANAC-KLSH-OSBE u zhvillua sesioni i dytë i trajnimit me auditues të Kontrollit të Lartë të Shtetit dhe Autoritetit Kombëtar Antikorrupsion Italian (ANAC), nën monitorimin dhe prezencën e përfaqësisë së OSCE-së për Shqipërinë. Ky trajnim zgjati tre ditë dhe u menaxhua nga asistenca e OSCE, me prezencë dhe të Drejtorisë së Metodologjisë dhe Zhvillimit në KLSH. Në total trajnimi u ndoq nga 46 punonjës.

1 Dëmi ekonomik në aktivitetin auditues i referohet detyrimit të shpërblimit monetar të një individi ose subjekti që i shkaktohet autoritetit shtetëror të audituar në lidhje me veprime ose mosveprime në cenim të disiplinës financiare dhe kuadrit rregullator përkatës.

2 Efekti negativ në performancën e subjekteve nën auditim i referohet efekteve negative të konstatuara në administrimin e fondeve publike dhe menaxhimit me ekonomicitet, eficiencë dhe efektivitet të fondeve publike.

Muaji Prill 2022:

-Trajnim mbi Auditimin Financiar zhvilluar në datat 11-12 Prill. Trajnimi zgjati dy ditë me dy grupe ndarë sipas departamenteve dhe u fokusua tek njohuri të përgjithshme mbi Auditimin Financiar; kuadrin ligjor mbi auditimin e Pasqyrave financiare të institucioneve publike; njohuri mbi Standardet ndërkombëtare të auditimit financiar dhe raportimit financiar, të INTOSAI (ISSAI/IFPP) standardet ISA të IFAC, auditimi i Pasqyrave Financiare dhe dhënia e opinionit të auditimit. Në total trajnimi u ndoq nga 93 punonjës.

-Trajnim mbi Auditimin e Performancës zhvilluar në datën 13 Prill. Trajnimi u zhvillua brenda ditës me dy fasha orare të ndryshme dhe u fokusua tek Manuali i Auditimit të Performancës, miratuar me vendimin nr. 196 datë 26.11.2021; standartet e auditimit të performancës, etapat si zhvillohet një auditim performace dhe vecoritë e këtij të fundit krahasuar me auditime të tjera: planifikimi i auditimit; procedurat; dokumentimi; auditmi në terren dhe raportimi. Në total trajnimi u ndoq nga 76 punonjës.

-Trajnim mbi Udhëzuesin e Menaxhimit të Cilësisë së Auditimit; (IFPP-140) “Kontrolli dhe Sigurimi i Cilësisë” dhe implementimin në praktikë zhvilluar në datat 14-15 Prill. Target grupi i trajnimit ishin audituesit/kryeaudituesit/drejtorë departamenti dhe drejtoria e Standarteve dhe Sigurimit të Cilësisë. Trajnimi zgjati dy ditë me dy grupe dhe u fokusua tek Udhëzuesi mbi menaxhimin e cilësisë në auditim (kontrolli, sigurimi, monitorimi i cilësisë), ISSAI/IFPP-140 “Cilësia në auditim” dhe Rregullorja e Procedurave të Auditimit, mbi hapat që duhet të ndiqen për kontrollin, sigurimin dhe monitorimin e cilësisë në auditim. Në total trajnimi u ndoq nga 105 punonjës.

-Trajnim mbi Auditimin e Përputhshmërisë zhvilluar në datën 19 Prill. Target grupi i trajnimit ishin audituesit në departamente auditimi. Trajnimi u zhvillua brenda ditës me dy fasha orare të ndryshme dhe u fokusua tek njohuri të përgjithshme mbi Auditimin e Përputhshmërisë; njohuri mbi standardet ndërkombëtare të auditimit të përputhshmërisë INTOSAI (ISSAI/IFPP) dhe IDI, manuali i Auditimit të Përputhshmërisë dhe llojet e opinionëve. Në total trajnimi u ndoq nga 80 punonjës.

-Trajnim mbi Manualin e ndjekjes së zbatimit të rekomandimeve zhvilluar në datën 20 Prill. Trajnimi u zhvillua brenda ditës me dy fasha orare të ndryshme dhe u fokusua tek njohuri mbi qëllimin e manualit të auditimit të zbatimit të rekomandimeve, metodologjia dhe sistemi i ndjekjes së zbatimit të rekomandimeve, auditimi i zbatimit të rekomandimeve, raportimi i rezultateve dhe regjistri elektronik i zbatimit të rekomandimeve. Në total trajnimi u ndoq nga 71 punonjës.

-Trajnimet lidhur me zbatimin e kërkesave të ISSAI-40 dhe implementimin praktik të Udhëzuesit të Menaxhimit të Cilësisë së Auditimit në kontekstin e Rregullores dhe manualeve (financiar, përputhshmëri, performancë dhe zbatim rekomandimesh) rishikuar në 2020-2021 (në process rishikimi dhe për këtë vit), realizuar me stafin auditues të KLSH-së janë në përmbushje të rekomandimeve për përmirësimin e cilësisë së punës audituese, referuar Plan Veprimit të miratuar nga Kryetari i Kontrollit të Lartë të Shtetit me nr. 1243, datë 12.11.2021, “Mbi zbatimin e rekomandimeve të Raportit të Komisionit European për Shqipërinë të datës 19.10.2021.”

Trajnimet lidhur me zbatimin e kërkesave të ISSAI-40 dhe implementimin praktik të Udhëzuesit të Menaxhimit të Cilësisë së Auditimit në kontekstin e Rregullores dhe manualeve (financiar, përputhshmëri, performancë dhe zbatim rekomandimesh) rishikuar në 2020-2021 (në process rishikimi dhe për këtë vit) si dhe trajnimet mbi Auditimin financiar dhe atë të Performancës janë gjithashtu në përmbushje të Plan Veprimit të miratuar nga Kryetari i Kontrollit të Lartë të Shtetit me nr. 755/1, datë 01.09.2021 “Për zbatimin e rekomandimeve të Rezolutës së Kuvendit të Shqipërisë për vlerësimin e veprimtarisë së KLSH-së për vitin 2020, miratuar në datë 24.06.2021”.

-ëorkshop për Prokurimet me Pjesëmarrje të Kontrollit të Lartë të Shtetit Lidhur me Rregullat e Prokurimit për Huamarrësit IFP- Menaxhimi Financiar i Bankës, me asistencën e eksperteve nga Banka Botërore. Trajnimi u zhvillua në datë 26 Prill me 4 sesione, të zhvilluara brenda ditës. Ky trajnim asistoi në prezencën e audituesve të KLSH-së nga *Departamenti i Shoqërive Publike dhe Investimeve të huaja*, kjo për ti shërbyer shkëmbimit të frytshëm të eksperiencave mes tyre dhe ekspertëve të prokurimit të Bankës Botërore, pasi një pjesë e mirë e stafit të këtij departamenti kishte asistuar në jo pak raste në auditime të projekteve të Bankës Botërore akorduar këto të fundit institucioneve të varësisë. Në total trajnimi u ndoq nga 20 punonjës

Trajnim i zhvilluar nga UN ëomen me pjesëmarrjen e KLSH-së në datat 27-28-29 prill 2022, në kuadër të buxhetimit gjinor dhe impaktit të kuadrit rregullator në këtë drejtim. Udhëhequr nga praktikrat rajonale në Serbi dhe Maqedoninë e Veriut, ëorkshop-i krijoi hapësirën për të reflektuar mbi përvojën e SAI-ve në rajon në metodat dhe praktikrat e auditimit gjinor.

Krahas trajnimeve të Brendshme KLSH vijon bashkëpunimin e saj me Shkollën e Administratës Publike (ASPA) duke përcjellë elektronikisht cdo muaj kalendarët e trajnimeve online (ëebinar dhe kurse online) tek stafi i KLSH-së. Shpërndarja e trajnimeve bëhet duke patur parasysh formimin e audituesve, por vecanërisht angazhimin e tyre varësisht departamenteve ku janë pjesë. Në kuadër të trajnimeve online për periudhën janar-prill 2022 kanë ndjekur trajnime online-ëebinar rreth 115 persona.

Tematikat që dominojnë janë: Prokurimi publik, Ligji për nëpunësin civil dhe të drejtën administrative, Menaxhimi Financiar dhe Kontrolli, Auditimi Brendshëm, Vetqeverisja vendore, E drejta Europiane, Siguria e informacionit, komunikimi, etika dhe niveli menaxherial, auditimi publik, cilësia në auditim etj.

Vlen të përmendim si risi të kësaj periudhë për **muajin Mars** trajnimet e ofruara nga ASPA dhe asistencën në ndihmë të subjekteve brenda administratës që janë subjekt i deklaramit të pasurive, dhe për **muajin Prill** trajnimet e dedikuara për procedurat e taksimit mbi pasuritë e paluajtshme.

KLSH ne vijim me burimet financiare disponibel do të vazhdojë përpjekjet institucionale të cilat synojnë modernizimin dhe reformimin e institucionit me qëllim që të reflektojmë tiparet dhe standardet ndërkombëtare të Institucioneve Supreme të Auditimit INTOSAI dhe fokusimin e veprimtarisë audituese me impakt, forcimin e llogaridhënës publike, të integritetit, transparencës institucionale.

SEKRETAR I PËRGJITHSHËM



Viti 2022
Periudha: Janar-Prill

Në 000/lekë

2022

VITI

Emri i Grupit	Kontrolli i Larte i Shtetit	Kodi i Grupit	1024001					
Programi	Programi Veprintari Audituese e KLSH	Kodi i Programit	01120					
Shpenzimet e Institucionit								
Titulli	Programi	Fakti i Vitit paraardhes Viti 2021	PBA Viti 2022	Plan Fillestar Viti-2022	Plan i Rishikuar Viti 2022	Plani i Periudhes Progresive Janar-Prill	Fakti Vitit 2022	Diferenca
01120	Programi Veprintari Audituese e KLSH	348,992	429,960	508,960	489,554	168,867	132,183	-36,684
								0
								0
								0
								0
Totali i Shpenzimeve		348,992	429,960	508,960	489,554	168,867	132,183	-36,684
Shpenzime nga te Ardhurat Jashte limitit								
Totali		348,992	429,960	508,960	489,554	168,867	132,183	-36,684



Përgjegjës Sektori Finance	Alketa Kalleshi	Sekretari i Përgjithshëm	Valbona Gaxha
	Firma		Firma
	Data 25/05/2022		Data 25/05/2022

ANEKSI nr.2 "Raporti i Shpenzimeve të Programit sipas Shpenzimeve"

Viti 2022
Periudha: Janar-Prill

Programi	Programi Veprimtari Audituese e KLSH	Kontrolli i Larte i Shtetit	Kodi i Grupit	1024001
			Kodi i Programit	01120

Nw 000/lekë

Artikulli	Programi	Fakti Paraardhes Viti 2021	PBA Viti 2022	Plan Fillestar Viti-2022	Plan i Rishikuar Viti 2022	Plani Progrosiv Janar-Prill	Fakti Janar-Prill 2022	Diferenca
600	Paga	247,281	269,000	319,000	311,025	104,000	93,660	-10,340
601	Sigurime Shoqërore	40,073	42,000	42,000	40,950	16,000	15,100	-900
602	Mallra dhe Shërbime të Tjera	51,593	103,960	103,810	93,429	31,850	19,658	-12,192
605	Transferta Korente të Huaja	61		150	150	150	120	-30
606	Trans per Buxh. Fam. & Individ	1,273		1,600	1,600	1,600		-1,600
Nen-Totali	Shpenzime Korrente	340,281	414,960	466,560	447,154	153,600	128,538	-25,062
230	Kapitale të Trupëzuara							0
231	Kapitale të Trupëzuara	7,586	15,000	20,000	20,000	15,000	3,645	-11,355
232	Transferta Kapitale							0
Nen -Totali	Shpenzime Kapitale me financim te brendshem	7,586	15,000	20,000	20,000	15,000	3,645	-11,355
230	Kapitale të Trupëzuara							0
231	Kapitale të Trupëzuara	1,115		24,000	24,000			0
232	Transferta Kapitale							0
Nen -Totali	Shpenzime Kapitale me financim te huaj	1,115	0	24,000	24,000	0	0	0
Totali	Shpenzime Kapitale	8,701	15,000	44,000	44,000	15,000	3,645	-11,355
	Shpenzime nga Të ardhurat jashte limiti						0	
Totali (korrente + kapitale + Shp nga te ardh.jashte limiti)		348,982	429,960	510,560	491,154	168,600	132,183	-36,417

Pergjegjes Sektori Finance	Alketa Kallashi	Sekretari i Përgjithshëm	Valbona Gaxha
	Firma		Firma
	Data 25/05/2022		Data 25/05/2022


ANEKSI nr.3 "Raporti permbledhes i realizimit te treguesve te performances/produkteve te programit"

Emri i Grupit	Kontrolli i Larte i Shtetit	Kodi i Grupit
Programi	Programi Veprimtari Audituese e KLSH	Kodi i Programit
		1024001
		01120

Viti 2022
Periudha: Janar-Prill

	ne 000/leke			I		Shpenzimet (Viti2021)	Kosto per Njesi (Viti 2021)	Sasia (sipas planit Viti 2022)	Shpenzimet (sipas planit te vitet 2022)	Kosto per Njesi (sipas planit te vitet korent)	Sasia (sipas planit te rishikuar te vitet korent)	Shpenzimet (sipas planit te rishikuar te vitet korent)	Kosto per Njesi (sipas planit te rishikuar te vitet korent)	Sasia Faktike (ne fund te vitet korent)	Shpenzimet Faktike (ne fund te vitet korent)	Kosto per Njesi Faktike (ne fund te vitet korent)	IV		Luhatjet ne Koston per Njesi
Kodi	Emertimi i Treguesit te Performances/Produktit	Sasia Faktike Viti 2021																	
A	Auditime te kryera	158		2,154	165	466,560				2,828	165	447,154	2,710	17	128,538	7,561	5,407	4,733	4,851
B	Blerje paisje kompjuterike	212		17	19	3,000				158	19	3,000	158	1	39	39	22	-119	-119
C	Blerje paisje zyre	4		78	22	700					22	700	700	1	33	33			
D	Blerje Automjete															0			
G	Kosto Lokale	1			2	5,000				2,500	2	5,000		1	2,500	2,500			
H	Rikonstruksjon Ndertesa	1			1	1,600				1,600	1	1,600		1	1,073	1,073			

Pergjegjes Sektori Finance	Alketa Kallushi	Sekretari i Pergjithshem
	Firma	
		Data 25/05/2022



Kodi i Programit	1024001	Emertimi i programit:	Veprimtari Audiuteses e Kontrollit te Larte te Shtetit							
Qellimi 1	" Ushtrimi i veprimtarise auditeuse ne nje linje me standartet nderkombetare te auditimit mbi perdorimin me efektivitet, eficence dhe ekonomicitet te fondeve publike ne funksion te rritjes se pergjegjshmerise se menaxhimit te financave e pasurise publike duke sjelle vlere te shuar per shoqerine dhe ndryshim ne jeten e qytetareve"									
			**Treguesit e performancës/Produktet:							
	Objektivat e politikës	Kodi i Treguesit te Performances/Produkti	Emertimi i Treguesit te Performances***/Produktit	Niveli faktik i vitit 2021	Niveli i planifikuar ne vitin 2022	Niveli i rishikuar ne vitin 2022	Niveli faktik ne fund te periudhes	% e Realizimit te Treguesit te Performances/Pr oduktit		
Objektivi 1.	"Mbুলimi me auditime financiare perputhshmerie dhe performance i njesive te sektorit publik nepermjet konsolidimit te auditimeve te perputhshmerise rritjes se auditimeve financiare dhe te performances ne nje linje me Standartet Nderkombetare te Auditimit ISSAI"	A	Auditime te kryera	158	165	165	17	10%		
Objektivi 1.1	Ofrimi i kushteve cilësore të punës për zhvillimin e aktivitetit auditues të KLSH-së nëpërmjet investimit për ngritjen e godinës dhe përmirësimin e infrastrukturës akomoduese me paisje dhe orëndi të nevojshme, në funksion të ushtrimit normal të veprimtarisë institucionale.									
		B	Blerje paisje kompjuterike	212	19	19	1	5%		
		C	Blerje paisje zyre	4	22	22	1	5%		
		D	Blerje Automjete	0	1	1	1	100%		
		G	Kosto Lokale	1	2	2	1	50%		
		H	Rikonstruksion Ndertesa	1	1	1	1	100%		

Pergjegjesi Sektori Finance	Alketa Kalleshi	Yanfona Gaxha
	Firma	Firma
	Data 25/05/2022	Data 25/05/2022



ANEKSI nr.5 "Projektet e investimeve me financim te brendshem dhe me financim te huaj"

Viti 2022
Periudha: Janar-Prill

Projektet me financim te brendshem (ne 000/leke)

Emri i Grupit	Kontrolli i Larte i Shtetit	Kodi i Grupit
Programi	Programi Veprimtari Audituese e KLSH	Kodi i Programit
		1024001
		01120

Kodi projektit	Emertimi i projektit	Vlera e plotë e Projektit.	Viti i fillimit te Projektit	Viti i përfundimit te Projektit	Buxheti 2022 Kontraktuar.	Plani i buxhetit viti 2022	Realizimi Progressiv nga fillimi i projektit deri në periudhën aktuale	Realizimi për periudhën e raportimit	Realizimi Progressiv nga fillimi i vitit deri në periudhën aktuale	Komente
M240002	Blerje automjete	9,700	2022	2022	9,700	9,700	0	0	0	
M240009	Blerje pajisje kompjuterike	3,000	2022	2022	3,000	3,000	40	40	40	
M240003	Rikonstruksion Godina	1,600	2022	2022	1,600	1,600	1,073	1,073	1,073	
M240010	Blerje pajisje zyre	700	2022	2022	700	700	32	32	32	
19AA402	Kosto Lokale	5,000	2022	2022	5,000	5,000	2,500	2,500	2,500	
		20,000			20,000	20,000	3,645	3,645	3,645	0

Projektet me financim te huaj (ne 000/leke)

Kodi projektit	Emertimi i projektit	Grant	Vlera e plotë e Projektit.	Viti i fillimit te Projektit	Viti i përfundimit te Projektit	Buxheti I Kontraktuar	Plani i buxhetit viti 2022.	Realizimi për periudhën e raportimit	Realizimi Progressiv nga fillimi i vitit deri në periudhën aktuale	Realizimi Progressiv nga fillimi i projektit deri në periudhën aktuale
19AA401	Forcimi i rolit të Auditimit të Jashtëm në mbikqyrjen e partneritetit publik-privat në Shqipëri	Grant/	24519	2022	2023	0	24000	0	0	0



Përgjegjës Sektori Finance	Emri	Aketa Kalleshi	Sekretari i Përgjithshëm	Emri	Valbona Gaxha
	Firma			Firma	
	Data	25/05/2022		Data	25/05/2022